

Ooldejaorsaovend

Ni'jjaorsdag  
Dag van de Vrede

**woensdag**

**donderdag**

**31**

**1**

**december**

**jannewaori**



*Schient de zunne mit ni'jjaor slim helder en klaor,  
dan zal et wodden een goed bi'jejaor.*

1997/8

#### Schrieversronte-jubileumfeest in 2022 (12)

"Now is d'r nog iene stoel vrij," zegt de ceremoniemeester, "en die blijft ok vrij." Et is de stoel van Oene. Oene staot ienzem en allienig veur an de diek te klumeren mit een pertestbod veur een aandere Stellingwarver spelling. En dan begint et feest! Een feest mit kaberet, veurdrachten, meziek en toespraoken. Chantal de Boer fragt oold-wethoolder Haankel op et teniel en zegt dat et de keuning behaegd het en verlien him de eremedallie in broons beheurende bi'j de Odder van Oranje-Nassau. Veur alles wat hi'j in vroeger daegen uut de wege zet het veur de Stellingwarver tael en kultuur. De oolde man lat him dankber en zuver wat overstuur et lintien opspellen. Een donderend geklap volgt. Allieend Jonker wist wat gekanstikkerig op zien lintien. Een duren iene. Hi'j is Officier in de Odder van de Nederlaanse Lieuw. Een onderscheiding die hi'j kregen het doe hi'j as burgemeester van Diever mit pensioen gong. En doctor Bloemhoff pronkt mit zien zulveren anjer op zien luusterse jassien, die hi'j intied nog kregen het van de pake van de keuning, doe hi'j klaor was mit et Stellingwarfs Woordeboek. Dan zet de hal staonde et Stellingwarfs Volkslied in.

En laeter, vule laeter, an et aende van de avond daansen Pieter Jonker en Fettje Alten een wilde, woeste czardas. En Veenstra en Wietske springen heur bi'jkaans uut de naod mit de polenaise. Et vuuftig-jaorige jubileumfeest van de Stellingwarver Schrieversronte is een grandioos feest wodden!

Johan Veenstra  
(Uut: De Ovend, 20e jr. no. 2, 1992)